





1350

8

*Perkins*  
~~*Hypoc*~~

3706

117  

---

125



67A.23

294/8

up  
14/11



C. 83. XI.

6/2

~~I. II. 6~~

Castelli



*Castellus Romanus*











PETRVS CASTELLVS *Ætatis sue 55*









ILLVSTRISSIMO  
ATQVE ERVDITISSIMO  
V I R O.

Equiti , & Commendatori  
S. Stephani dignissimo.

D. CASSIANO PVTEO

*Studioforum*

M O E C E N A T I O P T I M O ,

*Ac Domino suo Colendissimo .*

PETRVS CASTELLVS ROMANVS S.P.D.

**Q**UOD ad me Zibethiferum Animal de-  
mortuum miseras , ad te ( Illustrissime .  
Eques ) meliori vita præditum , redire ,  
conatu. jum : AEsculapij quippe Alumnus sum ,  
qui morte deletos vita ( etiam Ioue inuito ) do-  
nare solebat . Ciuetæ quippe cadauer miseras ,



quæ,



qua, ut alia rariora, in Eminentiss. & Reuerendiss. Principis, & Cardinalis Francisci Barberini adibus alebatur, morbo confecta Hydro-pico. At ego decorticata pellem ritè preparatam, ut vivum representares Animal, olim remisseram tibi. Quin obtuleram etiam ipsius ossa, veluti Mortis Trophæum, in Schelethon redacta. Historiam nunc addo pictam, vivificatum Animal offero, & immortalia penè inter sydera collocatum aternitati consecro. Sic historica vita potitum Animal multas peragrarè indefessum valebit regiones. multos perdurare immortale in annos, in què multorum incoluere versari manibus. offero igitur, dono, & dico Illustrissimo nomini tuo Animalis istius loquacem picturam, ut ea, qua soles benignitate ipsum suscipiens, sub tuo patrocinio in aeternum, & Historia, & Animal vivant, cuius alioquin apud veteres nulla certa extabat memoria. Equidem in hoc codicillo, quicquid vista dignum de hoc animali apud Auctores scriptum reperi, congerere volui: obscura elucidare: atque omnia exactè iudicare. Anatomes enim me oculatum testem, iudicem equum, & expertum Magistrum fecit: in cuius cognitionem neutiquam accessissem, nisi tua benignitate (Eques Illustrissime) huius animalis cadauere potitus essem. Cum ergo huius meæ indagationis tu auctor, principium, & causa prima fueris: meritò hac te patronum, ac dominum requirit,

tuaque



---

suoque gloriatur nomine, ut infinitorum penè  
auctorum opera eo collustrata, undique ad te  
Studioforum Mæcenatem continuo aduolantia  
corruscant. nec alia profecto magis ratione illu-  
strari poterat Hyena (per se alioquin obscura)  
quàm Illustrissimi nominis tui luce. multas igitur  
tibi, & libellus, & Hyena, & ego ob hoc im-  
mortalitatis beneficium debemus gratias, habebi-  
musque in æternum: verum quia eas pro dignita-  
te, nec agere, nec referre quimus, in aliud tem-  
pus reservata occasione dicendi finem faciemus.  
tu interim vale (Illustrissime Eques) & has le-  
uia ingenij munuscula hilari excipe fronte, &  
vale, ut sub te Mæcenate benignissimo diutius  
viuant, & valeant litterarum, rerumque na-  
turalium Studioſi. dabam Meſſana, AÆtænam  
petiturus.

---



Handwritten text, likely a letter or document, written in a cursive script. The text is arranged in several paragraphs, with some lines appearing to be headings or subheadings. The handwriting is somewhat faded and difficult to decipher, but it appears to be a formal or semi-formal document. The text is written on a piece of paper with a vertical crease down the center.

Handwritten text, likely a letter or document, written in a cursive script. The text is arranged in several paragraphs, with some lines appearing to be headings or subheadings. The handwriting is somewhat faded and difficult to decipher, but it appears to be a formal or semi-formal document. The text is written on a piece of paper with a vertical crease down the center.



I  
D E H Y A E N A

ODORIFERA

ZIBETHVM GIGNENTE,

Quæ Ciuetta Vulgo Appellatur.

E' ἑταῖρῖς:

PETRI CASTELLI ROMANI.



Nrebus arduis indagandis exacta, & sedula opus esse cogitatione, longa; meditatione, & quo quisque iudicio, & ratione magis pollet, eo facilius obstructa referare, recondita promere, & inaccessa ascendere, satis cuique patens est.

Vndè, cum inquisitu, *an Antiquorum v'avis nobis innotescant*, & vice versa, *an Zibethi ferax Animal priscis innotuerit*, multis valdè arduum omnino videatur. Necessum erit, diligenti peruestigatione nos uti, & magis iudicio, ac ratione, quam sensibus inniti, horum ut voti compotes euadamus, quare a nominis (quod multiplex est) explanatione initium ducentes. *Ciuettam*, Ruellio *Siuettam*, (Animal nunc ita dictum) ex qua Zibethum colligitur, quamqué *Catum Zibethicum* Mattiolus, Scalliger, Renodeus, & alij vocarunt, *Muslelam* verò Historiæ insulæ Virginianæ Auctor censuit. *Zapetion* a Græcis recentioribus dici scripsit Renodeus, & a quibusdam *Catobleptum* appellatur, H Y A E N A M O D O R I F E R A M nos nuncupabimus.

Porro huiusmodi nomenclaturarum quærenti Ety-

quasiu.

Nominū  
enumera  
tio.



*Zebet*  
*quid*

*Algalia*

*Auicenna*  
*Zebeth.*

mon. *Zibet* Arabicum esse nomen respondere licebit, apud Arabes enim huiusmodi nomen diuerso quamuis significatu, legitur. Nempè apud Serapionem cap. 121. de *Sederuam* his verbis. *Zebet, & est Algalia habens odorem bonum, & ingreditur in Medicinis ad abscindendum fluxum sanguinis, & ad casum capillorum.* Et addit *Saderuam* esse dictum in lingua Persica, & est res nigra cum qua tinguntur lina in *Haaman*, & est herba, vel succus niger ingrediens in medicinis odoriferis. Citat autem *Aben mesuai*, *Bedigoram*, & *Rasim*, non autem Græcos, & ipse *Rasis* de eadem re agit lib. 3. ad *Almans*. sub nomine. *Scedram*, vel *Scedeguram*. Et *Iudæus* apud *Ianuensem* in *Synonimis Seueram* vocauit. ex quibus constat Serapionis *Zebeth* aliud quid a nostro *Zibetho* esse. nec quid sit, id quod proposuit Serapio imaginari queo. in mentem tantum venit Arabibus *Zebeth*, significare rem odoratam, sicut *Galia*, & *Algalia*. cum dicat hic Serapio *Zebeth* esse *Algaliā*. vnde extant compositiones non pauca *Galiæ* nomine, vt *Gallia moschata*. *Gallia Alephangina*, *Gallia Sebellina*, &c. erit ergo *Gallia*, & *Algalia* odoramentum: vnde *Zibeth* nostrum, summe odoratum Auorum nostrorum ætate tale sumpsisse nomen censendum. Ita *Simon Ianuensis* *Zebet* esse *Auicennæ Galiam*, seu *Algaliā*, & *Animalis Arabici sudorem*, (de quo videtur fuisse loquutus *Auicenna* lib. 2. c. 326.) sumpsit: sed *Auic. Zebeth*, & *Algalia* diuersa res erit, à *Zebeth*, & *Galia Serapionis*, quæ herbæ succus est, & à *Zebeth* videtur primo *Animali* ipsi nomen *Ziuetta*, seu *Zebetta* fuisse impositum, a quo corrupto *Siuetta*, & *Ciuetta* nomenclatura ortum duxit. Quod si *Pandectario* fides aliqua est præstanda, quum *Zebet albahar* spumam Maris interpretetur; *Zebet* fortè spumam significabit, & non ineptè nostro *Zibetho* aptabitur metaphora, siquidem quum colligitur irato *Animali* quasi spumans apparet.



Qui Catum, vel Mustelam dixere, hoc Animal inter Feles Siluestres reposuisse reor. Verùm etiamsi capitis sit aliqua similitudo, in cæteris tamen plurimùm discrepant. Nos *Hyenam odoratam* nuncupare maluimus, id què in sequentibus probabile ostendemus.

*An Ciuetta sit Pardalis Antiquorum. cap. I.*

**Q**Uærit Arist. sect. 13. probl. 4. Cur Animantium nullum benè oleat, præter Pardalim, seu Pantheram: hæc namque propter suauem quem spirat odorem, ad se feras allicit: quod pluribus exposuit Teophrastus ipsius discipulus lib. 6. de cau. plant. cap. 5. hiscè verbis. *Omniò inter bruta, vel nullum, vel certe rarum admodum est, quod odorem persequitur gratia suauitatis, nisi per accidens, cum alimentum est tale. Quippè appetitus ad ipsum pabulum, eiusque causa est. Si quid tamen etiam istiusmodi est, haudquaquam hominibus constat. Nam, & Pardalim cæteris animalibus suauiter olere quidam affirmant, & venari in senecta nimirùm bestias alliciendo gratia sui odoris. At nobis nullam odoris affert suauitatem. Nisi verùm etiam illud dixeris, ut certè est verùm, olfactum homines habere omnium fermè deterri- mum. Itaque multi odores, suauitateq; eorum, vel grauitates, latere hominem possunt. & cap. 26. Animal nullum inquit, penitus odoratum est, nisi quis Pardalim dixerit belluis benè olere. retulit id etiam Plinius lib. 8. cap. 16. ferunt scribens odore earum mirè sollicitari quadrupes cunctas; sed capitis toruitate terreri. Quamobrem occultato eo, reliquas dulcedine inuitatas corripunt. Dixerat enim Aristot. lib. 9. de Hist. An. cap. 7. Pantheram sese abscondentem venari dicunt, propterea quod suo odore belluas delectari intelligat, propiùs enim ita accedunt, quas corripiat. huiusmodi autem suauem odorem, non belluæ tantùm sentiunt; sed sui odoris vim ipsa quoq; Par-*

*Cur ani-  
malia in-  
odora.*

*Panthera  
odorata.*



Venatus  
Päiberg.

Error P.  
Gillij.

Animalium ex-  
crementa  
odorata.

*dalis sentit. scriptum etiam reliquit Ælianus . lib. 5. de Hist. An. cap. 40. Admirabilem quandam, & nobis occultam odoris suauitatem olet Pardalis, quam benè olendi præstantiam diuino munere donatam, cum sibi propriam planè tenet, tum verò cetera animalia hanc eius vim præclare sentiunt. Hæc autem hoc modo venationem capit. Quum horum, quæ ad victum opus sunt, eget, sese vel in loca fructibus densis consita, vel folijs vestita, ita occultat, ut inuentu difficilis, tantum respiret. Tum hinnuli, dorcades, capræ siluestres, atque alia eiusmodi animalia quadam suavis odoris illecebra attrahuntur, & proximè accedunt, illarum, quàm mox de latebra exiliens ad prædam se rumpit, atque eam comprehendit. Est igitur Pardalis odorata. addit Plinius. Panthera, & Tigris macularum varietate propè solæ bestiarum spectantur, cæteris vnus, ac suus cuiusque generis. Pantheris in candido breues macularum oculi. Hæc autem duo, odor nimirum, & maculæ, Petrum Gillium, & alios (vt refert Gesnerus) induxerunt, vt crederent nostram Ciuettam esse Pardalim antiquorum. Quæ opinio facilè refellitur. Antiquorum enim Panthera vera omnibus hoc æuo est nota, & multum differt a Ciuetta. immo Septalius in problematibus. Io. Faber, & alij, negant Pantheris suauem inesse odorem: sed bruta alimenti specie odorem istum insequi, hominibus autem neutiquam gratum apparere. Sed, vt verum dicam, multorum animalium excrementa hominibus suauiter odorata videntur, quæ Aristoteli, atque Teophrasto ignota fuerunt. Si quidem Plinius lib. 28. c. 8. de animali Cordylo Crocodilo simili verba faciens. alter, inquit, illi similis, multum infra magnitudinem, in terra tantum, odoratissimisque floribus viuit: ob id intestina eius diligenter exquiruntur iucundo nidore facta Crocodileam vocant. Nimirum ipsius excrementum. Murium autem siluestrium, qui flauo sunt colore, & nostrorum puerorum delicia, (nuncupati Sorci mosca-*

roli)



roli) stercus odore moschi præditum est, tale etiam Serpentiū quorundam sentitur. Et Renodeus de mat. med. lib. 3. cap. 15. est quoddam genus *Mustella maioris*, quæ quod martia sit, & pugnax (Gallinas enim etiam grandiores enecat) quibusdam Martes, alijs Martorella, vulgo Fouina dicitur, cuius excrementa Moschum redolent, ut sæpe obseruavi. Addit Scaliger Exer. 211. part. 2. Cercopithecum nihilò insuauius quàm quoduis Moschum fragrare, mediocriter tamen, & sine fastidio. Moschum etiam Gazellæ excrementum esse notissimum est. Addam ego me obseruasse parua quædam Insecta vaginipennia a me picta libro de Insectis, quæ contrectata suauissimum spirabant odorem, qualis in floribus Dipsadi, seu Muschi græci dicti percipitur. igitur præter Pantheram, multa etiam animalium sunt genera valdè odorata, & hominibus grata, inter quæ est Zibeth: quare mitto tanquam inutilem quæstionem illam inter Cardanum, & Scaligerum de odore animalium, & de naturæ conatu in eius generatione.

Insecta  
odorata.

Chaum.

Quidam arbitrati sunt Animal Zibetti (ut refert Delecampius) esse Plinij Chaum, de quo talia protulit lib. 8. c. 19. Pompeij Magni primum ludi ostenderunt Chaum, quem Galli Raphium vocabant, effigie Lupi, Pardorum maculis. Namque hæ notæ adsunt in Ciuetta. Verùm nulla odoris fit mentio; nomen autem, quod habet Gallicum, fortasse a Gallia patria desumpsit. Nec caput Lupi est in Ciuetta, quamuis adsint magnitudo, pilorumq; asperitas, & color: maculæ pellis ipsum præterea distinguunt. annotauit verò Delecampius, fortassè Thoem pro Chao esse reponendum: vulgo Lupum Ceruarium: & qui Genettam nostram esse putant verisimiliora loqui videntur. Sed de Thoe extat Philes versus Græci, qui ita latinè sonant.

Thoes:

At quæ pudoris eruditus dogmata,  
Hominem veretur Thos, hominem si viderit?

Quæ



*Quæ iura foederationis mutua  
Colens opem fert impiger nobis suam,  
Hostilis in nos irruat si bellua?*

Herodotus lib. 4. Thores ex Hyæna, & Lupo genitos esse, testatum reliquit.

*An sit Antiquorum Hyæna. Cap 3.*

**C**iuettam veteribus probè fuisse cognitam, & Hyænam ab ipsis fuisse nuncupatam, eorundem auctoritate demonstrare conatur Petrus Bellonius suar. obseru. lib. 2. c. 20. quamuis odoratum reddere excrementum non obseruauerint. Ratio autem est, quia Ciuetta ferum est Animal, quale etiam Hyæna describitur: nec tradita figura differt; si quidem Hyæna ex Arist. colore Lupi propè est; sed hirsutior, & iuba per totum dorsum prædita est. Ciuetta etiam magnitudinem, & colorem Lupi habet, similique modo hirsuta est, verùm corpus maculis est aspersum nigris, itaut sub oculis binæ sint nigrae maculae, pedes nigro pilo obsiti, crura maculata, cauda oblonga, superius nigra, infima verò parte albis maculis aspersa. Præterea Ciuetta in ceruice, & per dorsum spinam pilos habet nigros, quos surrigit, cum indignatur, non minùs quàm sus, inde factum, vt Glanis piscis etiam Hyæna nuncupatus sit, & talis fortè erit iuba illi ab Aristot. tributa: accedit, quod omnes antiqui maximè ferum Animal dixerint Hyænam, adeò vt Pantheræ mirum in modum eas timeant: etenim scriptum fuit à Plinio lib. 28. c. 8. *Præcipuè Pantheris terrori esse traduntur, vt nè conentur quidem resistere, & aliquid de corio earum habentem non appeti. Mirumque dictu, si pelles utriusque contrariæ suspendantur, decidere pilos Pantheræ.* Hyænam Pardali inimicam esse, Ælianus etiam lib. 6. cap. 22. retulit. At Ciuettam Cardanus X. de subt. feram adeò iudicauit, vt quæ nulla temporis longitudine

*Hyæna  
piscis.*



mitescat.

Potissima autem ratio desumitur ex eo, quod antiqui Hyænam genitale simul, & maris, & fœminæ habere scripserunt. vnde Ouid. & quæ sit fœmina vergo Passa marem, nunc esse Marem miretur Hyænam.

Et Plinius lib. 8. cit. Hyænis utramq; esse naturam, (ait) & alternis annis mares, alternis fœminas fieri, parere sine mare vulgus credit; quod quamuis re vera falsum sit, negetque constanter Aristoteles, tamen negligenter aspicienti vas quoddam ori vuluæ simile, fœmininus videtur sexus, quæ apparentia forsan imposuit antiquis, ut crederent utroque sexu donatam fuisse Hyænam. Arist. autem 3. de Gener. An. cap. 6. voluit stultè, magnoque errore narrari a multis Hyænam duplex genitale habere, maris, & fœminæ, & 6. de Hist. An. cap. 32. commentitium id esse asserit. Sed Hyæna virile similiter, atque in Lupis, & Canibus haberi. quod verò fœmineum esse videtur (ὑποκάρω) sub cauda positum est, figura simile genitali fœminæ, sed sine ullo meatu, sub hoc meatu excrementorum est. Quin etiam fœmina Hyæna præter suum illud, etiam simile, ut mus habet, sub cauda sine ullo meatu, a quo excrementorum meatu est, atque sub eo genitale verum continentur. Vulvam etiam Hyæna fœmina, ut cetera huiuscemodi fœminæ animantes habent. & lib. de gen. citato scripsit. Hyænas tam mares, quam fœminas habere sub cauda lineam quandam similem genitali fœminino, quæ quidem nota, quamuis communis sit, tamen in maribus potius cernitur, quia mares, quam fœminæ frequentius capiuntur, quæ, qui negligentius considerat (refert Arist.) in dictam aberrat opinionem.

Nobis diligentissimè considerantibus Ciuetæ genitalia membra apparuit in ipsis ad amussim quodcumque Hyænae tribuit Arist. siquidem hæc primo aspectu, & negligentius consideranti duplex videtur habere genitale, at

Genitale  
Hyænae.

Arist. de  
genitali  
Hyænae.

Linea  
pro Ge-  
nitali.

Nota ab  
Aristot.  
assignata



*Hyene  
conueni-  
unt no-  
stre.*

*Genitale  
osseum.*

diligenter speculanti nullo modo duplex apparebit; sed vnicum tantum, & maris tantummodò in mare ( quale fuit in Cadauere a nobis secto ) virile autem perindè vt Lupi, & Canes habet, nimirum osseum, in hoc tamen differt a Canibus, Lupis, & Vulpibus, quod horum genitale totum in medio sit osseum, glans verò carnosà solum sine osse: contra Ciuettæ officulum est in sola glande admodum breue, reliqua pars genitalis nervosa osse carens: dictorum ossium in genitalibus hæ sunt effigies. Vidimus etiam Cuniculum indicum dictum Romæ *porcelletto d'India* in Genitali continere officulum in summo tenue, in basi quadratum, sed depressum.



*Genitale osseum Canis*

B. summitas cui iungitur glans carnea.

D. pars caua.

*Genitale Cuniculi Indi, seu porcelli, osseum.*

C. summitas.

*Officulus in glande genitalis ciuettæ.*

A. pars, quæ veretro iungitur.

*Linea  
Genitali  
nm.*

Quod verò foemineum esse videtur, infra caudam, & genitale positum est; immò inter virile, & testes: figura simile vuluæ foeminæ, & in mare labijs est crassioribus, quàm in foemella: verùm sine vlllo meatu est; sed duæ solummodo cauitates inspiciuntur, in quibus colligitur excrementum dictum Zibeth; vocauit autem Arist. hanc particulam in lib. de Gener. An. citato. *lineam similem*

*geni-*



*genitali fœminino*: Græcè ὀμολαν γραμμῶ τῇ τῇ θήλειαι ἀ-  
*δολῶ*; nam negligenter aspicienti fœminea apertura, qua-  
 si linea videtur; sed meatus non habet penetrantes. In  
 fœmina porrò Ciuetta eadem partes eodem sunt disposita  
 modo, & vbi in mare est virile, in fœmina vulua est:  
 solummodò vascula Zibetti in fœmina minora sunt, &  
 testes interius latent. Cum igitur tanta appareat Hyæ-  
 næ, & Ciuetta genitalium partium similitudo, asseren-  
 dum omninò videtur cum Bellonio, idem esse Animal,  
 quamuis Zibeth excrementum non considerauerint an-  
 tiqui.

Ex altera parte Scaliger de sub. exer. 117. part. 7. irri-  
 det Hyænam existimantes Catum Zibeticum; quam quo-  
 que opinionem refellunt etiam Gesnerus; Augerius Bus-  
 bequius Epist. 1. de legatione sua Turcica; Clusius in  
 addit. ad Bellonium, & Io. Faber Bambergensis in Ro-  
 mano Lyceo meus olim Collega; Plura namque sunt ab  
 Aristotele, Plinio, Solino, atquè Eliano de Hyæna re-  
 lata, quæ Ciuetta nostræ aptari minimè queunt.

Primo quidem collum, & iubam continuitate spinæ  
 porrigi, flectique nisi circum actu totius corporis non  
 posse, de Hyæna retulerunt, quod in Ciuetta nostra fal-  
 sum vidimus, & ex ossium forma in Scheleto, quilibet  
 considerare valet collum faciliè verti posse.

Præterea Solinus asseruit in ore gingivam nullam,  
 dentem vnum, atquè perpetuum, qui vt nunquam re-  
 tundatur, naturaliter capsularum modo clauditur. in  
 nostro autem Scheleto dentes plures.

Demum scriptis mandarunt Hyænam sermonem ho-  
 minum assimilare, pastorum nomina addiscere, vt eos  
 dolò capiat. Item vomitionem hominis imitari ad solli-  
 citandos canes, quos inuadat. Nec vllum ex his adhuc  
 obseruatum est in Ciuetta etiam maximè cicurata. Sed  
 hæc faciliè refelleret Bellonius. Namquè sicut Lupo, &  
 Leoni falsò tribuit Aristoteles huiusmodi rigorem col-

*Opinio  
 Bellonij.*

*Hyænam  
 non esse  
 Catum  
 Zibeti-  
 cum.*

*a Colli  
 inflexio-  
 ne.*

*Ab vno  
 dente.*

*à sermo-  
 ne huma-  
 no.*



*Crocota*  
*quid sit*

*Ciuetta*  
*māsueta.*

*a Iuba.*

li; itā falso potuit eundem tribuisse Hyæna. Deindè Solinus non loquitur de Hyæna; sed de Crocota, quæ genita fuit ex Hyæna, & Leena. Quæ demum afferuntur sunt potius admiranda, quàm credenda, tum quia, qui ea retulit Plinius pro re mirabili proposuit. Ælianus verò lib. 7. cap. 22. Crocutæ ista tribuit, dubitatque an sit fabulosum. quod confirmari videtur, quia Aristot. tanquàm falsa ea reticuit, nec Busbequius meminit in sua Hyæna.

Addit Scaliger contra Cardanum Exer. 211. part. 2. tantum abesse, ut Ciuettæ sint implacabiles, ut eorum unam humeris suis gestaret Nicolinus ab Ancisa Marchionis Mantuæ spurius. immo Bellonius fatetur, quendam Alexandriæ, qui tunc Florentinorum Consulem agebat, Ciuettam habuisse adeò cicurem, ut cum hominibus colludens illis nasum, aures, & labra sine noxa, morsu præhenderet. At leuia quidem hæc sunt, natura enim ferum est animal, & foeminam quidem cicuratam scimus, non autem marem.

Maiorem vim facit Iuba, quam, ex Aristot. 8. de Hist. An. cap. 5. Hyæna habet, quemadmodum equus; sed seta duriore, longioreque, & per totum dorsum, porrecta. his verbis; καί τω δ' ἔχει ὡς περὶ ἵππος. καὶ ἐτιοκληροτέρως. καὶ βαθυτέρως τὰς τρίχας. καὶ δι' ὅλης τῆς σάχνης. & lib. 6. cap. 31. *Iuba per totum dorsum prædita est.* Scriptum reliquerat, & quamvis Ciuetta irata in dorso pilos erigat Apri modo, non tamen longior est equina iuba.

Sed respondere probabiliter admodum Bellonius posset. Nequaquam esse intelligendum Hyænam habere iubam longiorem Equina iuba; sed cæteris sui Corporis pilis; quia equi multi iubam habent ultra tres palmos longam, quod si talem, & longiorem, ac durio rem, nec non per totum dorsum porrectam haberet Hyæna, quum sit Animal omnium consensu lupi magnitudine, & proindè duobus palmis non altius, procul dubio hu-



ius modi Iuba longa per terram traheretur, quare rationi consensaneum est dicere Arist. voluisse, Iubam Hyænæ per totum dorsum esse porrectam, non in collo tantum, atque constare ex seta duriore, & longiore, quam sint reliqui pili, ut continuò videmus in suis, & in nostra Ciuetta.

At dices, si hoc est, cur Arist. Hyænæ iubam non assimilauit potius Aprinæ Iubæ, quam equinæ, quæ in solo est collo? R. Arist. fortasse descripsisse formam Hyænæ ex aliquo Indo auctore, qui equum iubatum in collo vidit, non autem Aprum, vel suem, haud enim constat an in India nascentur sues nostris similes. unde Aristot. non commutauit inditam iubæ similitudinem.

Genitalium præterea situm diuersum esse Hyænæ, & Ciuettæ, ex Arist. verbis colligunt. Scaliger in lib. 15. Metamorph. Ouidij, & Io. Faber hoc loco. Namquæ Aristot. videtur collocare, tam in Mare Hyæna, quam in scemina imperuiam vuluam statim sub cauda, sub hac excrementorum exitum, sub quo genitale: ex quibus colligit Scaliger, tum a situ, tum quia imperuius est meatus non esse vterum: absurdum enim esset censere, Matricem supra rectum intestinum sub dorso esse. Nam ex Arist. meatus excrementorum inter illam rimam, & veretrum est. Faber autem inuenit etiam Scaligerum sibimet ipsi contradicentem. Exerc. 217. contra Card. par. 7. *Aristotelem*, inquit, *eam rimam, quæ sub excrementorum exitu est imperuiam introrsum esse dixisse, & dicere debuisset, ait Faber, quæ supra excrementorum exitum est, si Aristotelis mentem declarare, nec sibi ipsi contradicere voluisset.* At veritas ipsa coegit Scaligerum rectè loqui; eo enim modo intellecta Aristotelis verba rem impossibilem fingere videntur; omnia enim animalia caudata meatum excrementorum immediate sub cauda habent; unde, vel deceptus fuit Aristoteles falsa relatione: vel error est in textu, & intelligen-

à Geni-  
taliū  
sitū.

Scalige-  
ri cōtra-  
dictio.



*Explica-  
tio.*

*Busbe-  
qui ne-  
gligētia.*

us, quod dicat, sub cauda quidem esse pseudo vul-  
uam; sed non immediatè, at sub cauda meatum excre-  
mentorum, ex altera verò Genitale verum, ipsum verò  
in medio, & hæc sunt consona rationi, & positiui, quem  
a natura obseruatum in Ciuetta videmus. illam autem  
situationem in nullo animali, nec etiam monstruoso, ad-  
huc vidimus. Sed subtiliùs hi disputassent, si dixissent,  
Hyenam habere lineam tantum sinè vilo penitus mea-  
tu: sed Ciuettam habere meatus duos, & cavitates, in  
quibus colligitur Zibethum. verum non ita stricte acci-  
pienda sunt Aristotelis verba; sed vt rationi, & experi-  
mentis congruunt. Porro Busbequius, qui legitimam  
antiquorum Hyenam se vidisse refert, lineæ dictæ situm,  
& formam si dilucidasset, suas egisset partes: interim di-  
cemus Hyenam non posse habere suum pseudouterum,  
nisi ea positione, qua spectatur in Ciuetta, quæ talis est  
in resupinato Animali.

- A. Genitale.
- B. Vas Zibethi.
- C. Testes.
- D. Anus.









Descrip-  
tio Hyæ-  
næ a Bus-  
bequio.

Ioannes  
Leo.

Dubita-  
tio.

Sed omnium maximè hanc refellit Bellonij opinionem ipse Busbequius, dum narrat se Hyænas duas Constantinopoli vidisse, cui fidem præstamus; describit autem Lupo aliquanto humiliorem; sed nihilò breuiorem esse. Pellem habere Lupi similem; nisi quod pilo sit horridiore, & grandiore, maculis quoque nigris distinguatur. Atque Caput (quod maximum est) dorsi spinæ contiguum sinè vllis vertebris esse, vt cum respicere velit totam se vertere necesse habeat: plurimas esse in Galatia Hyænas, & frequentissimè sepulcra suffodere, & ossa congregare ad suas speluncas, tam humanorum, quam ferinorum cadauerum, & ob id Hyænas facile inueniri, nimirum ex ossium cumulo, ante harum speluncas conspecto. Præterea Ioannes Leo in noua Africæ descriptione, esse, ait, forma Lupi, habere pedes humanis similes, humanis maximè cadaueribus delectari, quæ ex sepulturis auferat. Animal esse minimè astutum, & cum cantu, ac Tympani sono maximè recreetur, fieri vt interea venatores adeo ad musicam attento, sine pedes ambos innodent, atque ita è speluncis suis extrahant, occidantque. Sed adhuc dubitare licet, numne hæc sit vera Hyæna, quum nec Iubæ, nec genitalium partium, nec morum ab antiquis Hyænæ tributorum fiat mentio: sed diuersorum. imò cum veteres maximè malignam, & callidam descripserint Hyænā, & Leo dictus minimè astutam prædicet: dubitatio augetur; quia nec constat de nostra Hyænā, quod refert Plin. lib.8. c. 30. *Hyenæ plurimæ gignuntur in Africa, quæ & Asinorum syluestrium multitudinem fundit. Mares in eo genere singuli fœminarum gregibus imperitant. Timent libidinis amulos, & ideo grauidas custodiunt: morsuque natos mares castrant. Contra grauida latebras petunt, & parere furto cupiunt, gaudentque copia libidinis. Tamen cum dicatur Hyænā libidinosa, & mas, & fœmina, non differet a nostra, quæ ob Zibethum, non solum ad*

coitum



coitum incitat. Sed alios homines vtriusque sexus, id ipsum inunctum incitat.

Huc etiam referendi erunt Philes Græci versus de Animalium proprietate, quibus quædam Anim. proprietates adnotantur, non conuenientes Cato Zibethico, vt cap. 43. de Hyæna, & terrestri, & marina.

Ἀρρῖν μὲν ἢ βαίνα τῶν χθίστων χερσῶν, &c.

quæ ita latine sunt reddita.

*Hyæna quæ mas pridie videnda erat,  
Nunc fœmina est, initque initurque inuicem,  
Maternus utque fiat auus haud dixeris.*

*Aluo ferens, ferensque fœtum mutuo.  
Si fortè quenquam dormientem offenderit,  
Pede strepitum non excitante subuolat,  
Suamque porrigens dolosè dexteram,  
Somnò iacentis admouet eam naribus.*

*Soporis auctorem, quod aiunt, maxime.  
Hinc eruto, quod subtus est caput, solo.  
Deponit hoc, nudo, & supino gutture,  
Inquè illud incumbens feris complexibus.  
Somnos trahentem strangulat miserrime.*

*Quod si marina quispiam hyæna pinnula  
Dextra sopore tangat oppressum, grauem  
Statim rigorem huic inijcit, cum somnijs,  
Quæ terreant dira iacentem imagine.*

*Astutia canes hyæna irretiens,  
Mox pascit horum carnibus ieiunia.  
Fulgente namque Cynthia sub vesperam,  
Vmbra sui illos corporis ferit, retro  
Lumen tengens vestigiorum callide.  
Mutosque reddens percitos formidine,  
Instar veneficæ increpantis carmine,  
Occidit in cautos doli crudeliter.*

idem refert Ælianus lib. 6. cap. 14.

Multa quidem de Hyæna relata videntur potius fabu-

Hyæna  
Marina.



losa, sic etiam Ælianus lib. 15. de Alib. cap. 14. referre videtur Hyænam esse cornibus præditam, cum ait. *Denique Hyæna, quod animal Capreis minus esse aiunt, sed Ceruis animosius multo, & cornibus ferociens.* de quo Æliani loco dubitavit etiam P. Gilius, dum in sua translatione omisit, & Gesnerus adnotavit, esse absurdum, cum Lupi cognata quadrupes sit, nihil cum Capreis, aut Ceruis commune habens. Sed quicquid sit de hac Bellua, certum fatemur, multas Hyænae notas adesse in Ciuetta, non paucas desiderari.

*Sub quo Animalium genere sit reponenda  
Ciuetta. Cap. 4.*

*Questiū.*

*An sub  
genere  
Felium?*

*Gesnerus  
inter Lu-  
pos.*

**Q**Uum clarè ex dictis pateat, nostram Ciuettam, nequè antiquorum Pantheram, nequè Plinij Chæum, nequè veram Hyænam esse, iure adhuc quæritur, ad quod animalium genus sit referenda: Multis quidem de genere Felium visa est; vnde Catum appellarunt; sic Alexander Benedictus, Ruellius, Mattioli, Scaliger, & alij non pauci Feli siluestri similem faciunt. Et quidem facies videtur Feli similis, pilos enim in barba, vt Felis, habet, eodemquè modo tres alios oblongas in genis: sed præter hæc nihil aliud commune cum Catto habet: non pellem, quæ in Fele lenis, in Ciuetta aspera, & oblongis, crassisque pilis; nequè ungues, quæ Feli sunt aduncæ, Ciuettae obtusæ; dissimilia etiam genitalia. immo Fab. Columna Io. Fabro scribens. *Effigies, ait, ad Canum, quàm Felium, aut potius Vulpium figuram accedit; quod rostrum non harum ritu obtusum; sed illorum forma oblongum habeat.* Renodeus Animal ferum est, dentibus ferox, Feli non tam simile, vt multi scribunt. Maius enim est, sæpe Vulpem excedens, caput, collum, pedes, atque alias partes habens illi valdè dissimiles. Os ei ob-

longum



longum est, vt Meli, seu Taxo animali, corpus longum, maxillæ inferiùs albæ, vt etiam barbitium, pedes nigri, laterales ventris partes albicantes, dorsum ex obscuro cinereum, maculis nigris conspersum. Præterea dentibus Cani potiùs, quàm Catto assimilatur.

Equidem ad Hyænas refero, & has ad genus generale illud, quod continet Lupos, Canes, & Vulpes, & similia animalia carniuora. Genus autem Hyænarum multiplex cum etiam dicat Herodotus lib. 4. ex Hyæna, & Lupo gigni Thores. vnde si coniunguntur Lupis, aliqua inter ipsos est affinitas naturæ.

Dico autem, Hyæna, vel est odorata, vel inodora. Atquè Hyæna odorata; vel est Orientalis, & Arabica; vel occidentalis, & Americana. Hyæna inodora erit antiquorum Hyæna, quæ fortasse duplex est: nam, vt mox dixi, Hyæna Busbequij desiderat non paucas antiquæ notas, & ad Lupum siluestrem arabicum referri posset.

Hyæna autem odorata, & Zibethum ferens duplex est, Arabica, & Americana, ambo conueniunt in generatione Zibethi: sed forma aliquantulum differunt, ni pictor nos fefellerit in Americana. Namquè Zibethicum Animal Americanum, quod pictum ostendit Nardus Antonius Recchius hanc habet formam.

Genus  
generale

Hyæna-  
rum di-  
uisio.







*Catus. Z. ibeticus Americanus*



Describens ipsum Faber. Caput, inquit, non crassum, sed tenue, & acutum habere, vt rostrum Caninum potius, quam Felinum esse iudicares, quod cum labris suis rubrubet. Orbitæ circa oculos, qui minùs truces sunt, nec magni admodum albicant. Cæterùm subcineritij coloris est caput, & pili in barba vix vlll. Collum quoquè longius, quàm in Tigre, aut Catopardo, quod pulcro quodam ordine, alternis nigriusculis, & albicantibus fasciis, velut totidem torquibus arte adpictis exornatur. A capite ad dorsum, per colli longitudinem supernam similium colorum lineæ excurrunt. Dorsi medium a collo ad caudam lineâ nigricans pilosa valdè distinguit. Maculis in corpore cinereo minùs obscuro nigricantibus, rotundis, & ovalibus ordinatim secundum lineam rectam, versus caudam productis, insigniter decoratur. Itaut superiores, dorso quippè viciniore, sint maiores, mediocres paulò inferiores, & quæ in imo sunt ventre sensim euanescent. Caudam gerit alternis similiter, vt in collo dictum, fasciis nigrescentibus, ac cineritijs distinctam, ac satis longam; sub cauda tria foramina eminenter visui se præbent, anus scilicet, locus ille, in quo Zibethum colligitur, & extrahitur, ac vulua: medium tamen cæteris duobus maius apparet.

Hyæna  
Americana.



Hyena  
Odorata





Hyæna autem odorata Africana, quæ nostra Ciuetta est, Lupum potius æmulatur, quam Felem: capite, enim est oblongo, & rostrum acuminatum, non obtusum, vt Feles, habet, item dentium formam, vt Canum. duorum palmorum altitudine erat a me sectum animal, tantundem erat corpus a scapulis ad caudam: caudæ verò longitudo quanta totius corporis: collum etiam longitudine superabat semipalmum. (corpus sine collo dupla longitudine altitudinem superare visum est Columnæ: sed vidit animal timidè, & de presse gradiens, ego verò etiam Scheletum sum dimensus) capitis longitudo dupla erat *ad latitudinem*. In barba, & genis pilos habebat duos, albos, & longos Felium ritu: rostrum pilis denudatum, nares nigricantes, & sub oculis maculæ nigræ: oculi splendentes, & subrubentes Bellonio, Columna autem, apud Fabrum, nigriores vidit ex colore castaneo, & flavescente mixto, nec hilares; sed potius tristes, & depressos magis, quàm eminentes. Verùm ex ambobus oculis nostri Animalis mortui erui gemmas pisi siccati forma, & magnitudine orbiculares, & angulosas, cristallo æmulas, quas etiam nunc seruo. quod facit, vt confirmem illi Hyænæ nomen. Nam scripsit Plinius lib. 37. cap. 10. & similiter Albertus de lapidibus ex Euace, & Aarone. *Gemma Hyænia ex oculis Hyænæ, & ob id in vase inueniri dicunt, & si credimus, linguae hominis subdita futura prædicere*. Sed haud dico veras esse gemmas, nam etiam si erutæ hæ gemmæ per duos, vel tres dies manserint cristallina, duræ, nimirum, & Diaphanæ; processu tamen temporis opacæ fiunt, & scinduntur in tres, aut quatuor veluti squammās lapidibus limacum similes. certe Alexander 1. probl. 6. proposuit. *Cur feles, Hyænæ, & vespertiliones acutè noctu conspiciunt?* Præterea Ciuette aures sunt parvæ, orbiculares ad Melis, seu Ta-

Hyæna  
Africana.

Gemma  
ex oculis  
Hyænæ.

Aures.




*Situs  
vasculi  
Zibethi.*

xi formam, in ipsis similis pilus, nec mollis, nec asper. Corpus habet albicans, & cinereum Lupi colore, maculis aspersum nigris: crura, & pedes potius parua, quàm magna; breuia, quàm alta, & pilo nigro obsita. Pedum digiti quatuor simul, & insuper paruus pollex internè situs, nec longè distinctus, vt in Fele. Ungues sunt caninæ, nigræ, breues, crassæ, & obtusæ, minimùm aduncæ. Circa genitalia; dicemus, sub cauda immediatè esse excrementorum meatum, proximè collocari testes in maribus, tum vas Zibethicum, & sub hoc sexum masculinum, vel foemininum. At in resupinato animali pinximus primo virile membrum foris exertum, licet in Animali viuo sit intus reconditum, quod in media glande officulum habet supra effigiatum; sub hoc situata est pseudo vulua, sub hac testes, infrà quos excrementorum exitus est immediatè ad caudam.



- A. Genitale.
- B. Vas Zibethi.
- C. Testes.
- D. Anus.







Genitale

Hyæna  
nomen  
vniuer-  
sale.Hyæna-  
rum pro-  
prietas.

Pinximus autem hæc omnia sua fermè naturali magnitudine ad vnguem dimensa. Vas autem Zibethi positum est inter genitale, & testes, quos satis magnos, ac euidentes habet. istos secui, & inodoros reperi, & ab his vasa seminaria admodum crassa ferrebantur ad genitalis radicem ad latera pseudo vteri sub quo vesica parua erat. Natura autem huius particulæ paulò post considerabitur. Genitale totum occultatur in corpore Felium modo, dum viuum Animal quiescit, apparetque sola glans: at in cadauere ob relaxationem, vti pictum est, totum membrum foris extabat, vt a nobis tractum remanserat. nec intus iterum reductus, quiescebat. Totius præterea corporis pili sunt longi, rudes, & asperi apri modo, & in ceruice, ac per dorsi spinam pili adsunt nigri, prælongi, ac duriores, quos erigit iratum animal, vti sus. Cauda est oblonga, & benè pilosa, vsquè ad terram pertingens, varijs distincta maculis. Icones huius animalis positæ a Mattiolo, Bellonio, Clusio, & Columna inter se differunt: magis placet, quæ est in Matthiolo a Valgrisis impresso.

His positis concludemus, iurè hæc tria animalia a nobis reducta esse ad Hyæne nomen, nimirum ob proprietatem insignem, quam hæc tria animalia habent nullis alijs animalibus communem: nimirum falsæ vuluæ formam, ob quam vtrumquè habere sexum ab alijs quibus credita sunt: quæ proprietates, vt ab alijs animalibus hæc distinguit, ita eadem inter sese vnit generica vnitæte. Communicant igitur simul Hyæna nostra, & antiquorum Hyæna, pseudo vulua, genitali osseo, & oculorum gemmis. Verum quia generis nomen hæc tria animalia continentis nos latet, ab antiquiori specie nomenclaturam mutuari libuit. Fortasse sub eodem innominato Genere continetur Fiber, nam Castoreum, vesicæ sunt in inguinib. humorem apertu-



ra stillantes melleum: non autem testes vt dicemus.

*Vbi Hyæna nascantur. Cap. 5.*

**H**Yænas, scripserunt Herodotus lib. 4. Plinius, atque Solinus plurimas gigni in Africa. At nostra Hyæna, odorata dicta, a Francisco Alexandri Catus Syriacus vocitata fuit, & Matthiolus Venetijs vidit ex Syria delatas. Cardanus verò scripsit, Hispaniam ipsas mittere, qua propter notatur a Scaligero. clariùs autem loquutus est Amatus scribens, Lusitanos eas deferre ab indijs: sed memoria non excidit mihi, aliquot ab hinc annis a Litvano quodam pharmacopœo Romam ad Henricum Coruinum transmissum fuisse vasculum Zibethi, & Vngulam Alcis, qui etiam scripsit, ista esse fructus suæ regionis: vnde suspicor etiam in illis frigidis regionibus oriri Ciuetas.

De Zibethico autem animali americano scribens Io. Faber ex F. Gregorio de Boliuar, hoc animal, inquit, nascitur in multis Indiæ orientalis, atque occidentalis partibus, cuiusmodi in orientali sunt prouinciæ Bengala, Ceilam, Sumatra, Iaua maior, & minor, Malipur, & plures aliæ.

In noua Hispania verò sunt prouinciæ de Quatema-la, Campege, Nicaragua, de vera Cruce, Florida, & magna illa Insula S. Dominici, aut Hispaniola, Cuba, Matalino, Guadalupa, & aliæ.

In Regno Peruano animal hoc magna copia reperitur. In Paraguay, Tucamam, Chiraguanas, Sancta Cruce de la Sierra, Yungas, Andes, Chiachiapias, Quizos, Timana, Nouo Regno, & in omnibus prouincijs magno flumini Maragnone confinibus, quæ circa hoc fermè finè numero ad duo Leucarum milia sunt extensæ. Multò adhuc plura eiusmodi animalia

*ex Syria.*

*An in  
Litua-  
nia.*

*In Indijs*

*Noua  
Hispa-  
nia.*

*Peru.*



Guinea.

nascuntur in Brasilia, vbi mercatura Zibethi exercitatur .

Magua horum abundantia quoque est in Guinea, in prouincijs nimirum de Loango, Congo, Manicongo, circa flumina Angolæ, vsquè ad Cafres, & finem bonæ spei, maximè autem in grandissimis, & extensissimis montibus, qui ibi prostant, quos Fragosas Cupides appellare solent . Et ex parte quidem Cafres montium de Torca, aut de Luna, vbi maxima Algaliæ quantitas extat .

### De Vasculo Zibethico . Cap 6.

**Z**ibeth, quod ab hoc animali generatur, non ex toto corpore; sed ex determinata particula colligitur, quæ, qualis, quanta, & vbi sit, nunc est a nobis inuestiganda . Turpiter autem errauit Io. Riolanus, suæ Pathologiæ cap. 11. scribens. *Damarum stercus bene olet, & Gazella cacat Zibethum* .

Pars ferens Zibethum.

Columna .

At Ruellius primo de Nat. stirp. cap. 27. *erui è genitalibus locis* scripsit, & subiunxit. *è cuius natura sordes manat, &c.* cui assentiri videntur Matthiolus, & Fran. Alexandri . Excrementitium genitalium humorem vocauit Dessenius . At Renodeus circum *testes, & pudenda* concrefcere scripsit . itaque hi videntur censuisse testes esse vasculum Zibethi . sed ridiculum est, quod Euerardus a Mepschen narrauit Dessenio de Ciuetta Alexandri Card. Farnesij. *exectis testibus aperto vulnere sudorem defatigata, & irritata fera colligi.* Nam orificia, quæ cernimus naturalia, ipse censuit arte facta exectis testibus . Columna autem Epist. 1. ad Fabrum . vocat testiculos, siuè vtriculos, qui medij inter anum, & pudendum prominent, tam in mare, quam in fœmina. *In mare tamen duplò grandiores ap-*

parent.



parent : Hi utriculi interna sui parte, ubi pili curti hærent, capacem satis cavitatem obtinent, in quam ingressus patet exiguus, & cartilagineus. deinde subdit. sub dictis utriculis, folliculis, siue testiculis (nam alij testiculi haud apparent) maris genitale situm est. Quæ verba fecerunt, ut Faber dubitaret, quid sibi vellet Columna, ex folliculis illis, utriculis, siue testiculis Zibethum colligi. an fœminæ quoque extra prominentes Didymos habent?

Clarius profectò loquutus fuit Alex. Benedictus de cur. morb. Fœminæ intrâ genitale, & aluum: Mari intrâ genitale membrum, & testes colligi Zibethum, & Columna altera Epistola ad Fabri dubitationem, respondens, denuò reuissis, & exactiùs consideratis dictis animalibus. *Testes*, ait, *ex lateribus folliculorum cum manibus euersi, tam magni eos attrectanti manifestantur, quàm ab iisdem folliculis contineri possunt, & subdit. folliculis his ad latus foraminum (quò instrumento humorem exempturo ingressus datur) in externa parte testes adherent. In fœmina testes illi perquisiti, non inueniuntur, molliores enim sunt illi utriculi, seu folliculi, nec ut in mare grumositas illa, & durities oblonga testium percipitur. Præterea F. Gregorius de Boluiar apud eundem Fabrum. Mares solos, ait, foras eductos, & conspicuos testes, intus conclusos fœminas gestare. Decipi autem omnes affirmabat, qui prominentias illas in fœmina ambas intrâ vuluam, & anum sitas, testiculos esse sibi persuaderent. Hos enim tumores, solos esse illos folliculos, & utriculos a natura eò loci fabricatos, in quibus Zibethum paulatim colligitur, & inde euacuatur. Et cum duo sint, imponere facillè possent, etiam valdè gnaris, & Naturæ studiorum non inexpertis, ut testiculos esse ad credendum adducerentur. Et quoniam iidem utriculi in eadem regione, ubi ma-*

Alex  
Benedi-  
ctus.

Verior  
sententia



*Nostri  
inspe-  
ctio.*

*Diluci-  
datio.*

*Vas Zi-  
bethi.*

*Struc-  
tura.*

ris testiculi hærent, positi videntur, illosque veluti inuestiunt, & cooperiunt, hinc fieri posset, vt crederent aliqui testes esse. hæc, si apud eruditos quidem, & oculos auctores leguntur, quid sperandum ab ijs, qui Animal non viderunt? Columna asserere videtur, testes in folliculis contineri, & adherere in externa parte folliculis ad latus foraminum. quod iurè negat Boliuar.

Sed nos cæteris omissis dicemus in resupinato animali mortuo sub ipsis vtriculis testes esse, non tactu solum; sed oculis quoque manifestissimos, vt pictura ostendit: erecto animali non ita prominent; cum interiorius comprimantur, ita etiam in viuo, & benè valente Animali semper testes sunt retracti, vt in homine iuvene, & valido accidere dixit Gal. lib. 1. de sem. cap. 15. secus in sene. nisi morbosè fuerint conuulsi. ideo F. Columna in animali inquietissimo, ferocissimo, erecto, & valido non potuit istos benè tangere, & considerare; adeo vt ipsi visum fuerit testes in folliculis ipsi contineri. sunt autem testes a Zibethi vasculis omnino distincti, & sua habent vasa ferentia semen ad meatum genitalis, valde crassa, vt nos Anatome docuit, & seruamus adhuc apud nos huius Animalis scrotum exiccatum, in quo testes.

Membrum Zibethicum primo aspectu fœminea vulua videtur: lineam enim oblongam habet, & labia crassa, quod si manibus tangatur, tactu sentitur oui parui magnitudine, veluti cartilaginofum corpus, & duriusculum, in quo, cum parum digitis deducitur, & dilatatur, apparent duo oblonga foramina, ijs, quæ sunt in naribus, similia, sub quibus cavitates quædam sunt, sedes Zibethi; Hæc vascula si digitis magis pressa deducantur apertis omnino foraminibus totas cavitates demonstrant, loculique perfectè patent, quorum, cavitata tanta est, quanta sufficeret ad continendum Amigdalæ nucleum, in his loculis nullus porus, nullus

meatus



meatus apparet. Sed sectione facta, corpus duriusculum ouî magnitudine, quod cartilaginosum tactu videbatur, agnoui distingui in duos vtriculos oliuæ Hispanicæ magnitudine, & nequaquam cartilaginosos; sed carnosos, & minutis, albis, duris glandulis, seu granulis refertos, duriore autem multum, quàm testes, erant substantia: omninò tamen inter se distinguebantur hi folliculi, membranis tantum vniti, & interior quidem communis erat ambobus vtriculis. seruo adhuc apud me hosce vtriculos exiccatos, qui mirè redolent Zibethum, cum testes veri exiccati cum scroco nihiloleant: sed quod mirum Animal Hydrope examinatum putrefactis omnibus visceribus, & maximè fætidis, vehemens vt nausea secanti excitaretur: & alioqui fætidum totum: tamen mire olebat, & nunc etiam optimum spirat odorem, vas Zibethi. Horum figura talis est.


1. Vascula Zibethica in animali viuo dum extrahitur Zibethum.
2. Vascula ab animali seiuncta, & omnino patefacta, & siccata.
- A. *Cavitas interna.*
- B. *Membrana interna.*
- C. *Orificium tenuibus pilis refertum.*
3. Vasculorum ab animali separatorum, & exiccatorum pars posterior.
- D. *Granula dura, albescentia.*
- E. *Membrana interna iungens Vascula.*



Vascula Z'bethi



1



2



3



## De Castoreo. Cap. 7.

**C**Um autem ad dilucidandum genus, & proprietates Hyænæ odoratæ, plurimum conferat Fibri Historia: ideo dicemus quod Fiber Animal sit, cuius, & mas, & fœmina reperitur, ambo in inguinibus conceptacula quædam habent, è quibus, per sua oscula, melleus quidam liquor emanat, quem Fiber ipse delingere solet, Mares autem habent præterea suos testes sub cute intus ita conclusos, ut tangi nequeant, veluti sues, teste Dioscoride, Rondeletius similes tumores in Leporibus, esse dixit, unde factum sit, ut vulgus eos, mares, & fœminas censuerit. pariter Moscho Animal similes esse censuit, vesiculæ enim Moschi id indicant. sed Rondeletij verba digna sunt, quæ huc transferantur. hic lib. de Amphibijs cap. 8.

Rondele-  
tius.

*Fibri, inquit, in inguinibus geminos tumores habent, utrinque unicum membrana sua conclusum, oui anserini magnitudine, inter hos est mentula in maribus, in fœminis pudendum. Si tumores testes non sunt; sed folliculi membrana contexti in quorum medio singuli sunt meatus, è quibus excedat liquor pinguis, & cerosus, quem ipse Castor saepe admoto ore lambit, & exugit, postea hoc veluti oleo, quas potest corporis partes contingere, oblini. Hos tumores testes non esse hinc maxime colligas, quod ab his nulla sit ad mentulam via, neque ductus, quo humor in mentulam meatum deriuatur, & foras emittatur. Præterea quod testes intus reperiantur. Liquor ille, de quo loquimur, quum recens est, oleum refert, quum vetustior mellis liquidi colore est, & crassitudine. Idem Leporum exemplo declarare non inutile fuerit. Iis in utroque inguine tumor est, glandula prominentis modo, intus*





Fiber



meatus est varicosus, capreoli modo intortus è quo liquor effluit. Hos tumores cum in omnibus leporibus observasset vulgus, lepores omnes simul mares, & fœminas esse credidit. Eosdem tumores Moscho animali esse puto, a quibus odoratum illud pus emanat. Neque sunt audiendi, qui putant tuberculi, vel umbilici inflammati saniem esse. Tumorem esse glandulæ, vel testiculo similem membrana circumdatum norunt, qui adulterant. nam in testiculi formam effingunt, ac testiculum Moschi appellant. Hæc, quæ de tumoribus inguinum Castoris, & liquore inde manante a nobis prodita sunt, cum ita se habere doceat ipsa inspectio, & paulo ante dixerat Rondeletius. Testes parvi, substrictique, & adhaerentes spinæ, qui adimi sine vita animalis non possunt. id prius scripserat Dioscorides. licet censuerit, quod deferretur bivastrum esse testes. pariter Plin. lib. 32. cap. 3. ex Sextio Medico diligentissimo. ex quo videtur colligi posse liquoris folliculos non esse testes, & quidem facile, quia testes non sunt liquoris forma in folliculis. Dicendum ergo adesse Animalia multa, ut Hyænas, Zibethica, Castores, Moschifera, Lepores, & alia, quæ in inguinibus vascula ferant, in quibus liquores quosdam odoratos proprios deferant, ut inter pisces sepia, loligo, purpura, excrementa colorata continent in Vesiculis.

Quod autem de Moscho ferunt non videtur verum. Concedimus quidem Animal esse exoticum, & Indicum in regno Pegu, ac potissimum in agro Tumbascorum admodum frequens, capræ non multum dissimile, ac corpore prægrandi, *Dorchadem Moschi, Gazellam indicam, & Capreolum Moschi* nominatum, ex cuius inferiore maxilla, equè dentes utrinque singuli porcorum instar exeruntur.

At quum narrant, huic cum Veneris cæstro percellitur, furoris vehementia umbilici regionem intume-



scere, ibique congesto sanguine multo, & crasso fieri apostema: atque tum ferum illud animal potum, cibumque auerfari omnem, & humi sese prouoluere, atque lapidibus, & arborum truncis turgentem partem quadam voluptate confricando, dirumpere, ac vomicam aperire, ex qua saniem quandam excerni, quæ verus est Moschus, illam autem saniem (etiam referunt) super arborum truncis, aut faxis relictam, calore solis, ac Cœli bonitate coqui, & elaborari, sic virosi ipsius odorem, si quis est, dissipari, & hanc esse optimum Moschum. Alioqui capta fera venatores partem cum corio simul abscindere, cruorem effluentem exprimere, colligere, exiccare, & seruare, cum vtriculis, aut pellibus eorundem animalium, quorum sæpè sanguinem exiccatum, pauculæ recrementi dicti portioni commixtum pro puro Moscho ab institoribus, seu adulteratoribus vendi, &c. Nos si hæc attentè considerauerimus eandem esse naturam Moschiferi Animalis, ac Zibethici apertè cognoscemus, non ne ambobus sub vmbilico vas excrementi collocatur? non nè ambo ad Venerem irritantur copia sui excrementi? non nè ambo, vt tale excrementum expurgent, se confricant lapidibus, & stirpibus? non nè vtrumque excrementum eligitur potius ab Animali expurgatum, quam ab homine extractum? Quare vtriusque similis est natura; & ideo si ex Arist. a notioribus nobis ad minus nota procedendum. ex nota natura Zibethi, veniemus in cognitionem Moschi minùs nobis noti, & dicemus sicut Zibeth est non ex apostemate, ita neque Moschus: quare Moschiferum Animal habebit etiam particulam determinatam naturaliter ad colligendum excrementum dictum Moschus.



*Quid sit Zibeth. Cap. 8.*

**E**X hoc Animali colligitur odoramentum dictum Zibeth a Scaligero; Zibetrum, & Zapetion ab Hermolao, & Ruellio: a nonnullis Algalia, ab alijs Ciueta. Huius in Animali ipso, quæ sit materia, non certò apud omnes constat.

Siquidem Animalis semen vocauit Cardanus: vnde a Scaligero reprehenditur, & iurè: verum enim semen non esse, patet manifestè, quia, qui adhærent, subsuntque testes, non eò suos seminales ductus euacuant; sed per penem, vt in Canibus, quod sectione earum partium clarissimè vidimus. Nec possumus dicere, quatuor habere testes, duos proli generandæ destinatos, alteros verò apertos ad superflui seminis excretionem; quia hi vtriculi exiccati, quos seruo, odorem Zibethi spirant, nullum autem testes, quo patet aliam materiam contineri in testibus, aliam in istis folliculis, & verum semen nequitiam esse odore Zibethi.

Plurimi censuerunt esse Animalis sudorem, vt Scaliger, Matthiolus, Simon Ianuensis, Renodeus, Io. Leo in desc. Africæ. F. Gregorius de Boliuar, quibus subscripsit Faber. id affirmant, quia defatigato, irritato, & sudante animali plurimum colligitur, imò etiam sub coxis, brachijs, collo, & cauda ex F. Gregorio. Quibus ego assentiri nequeo; nam cum sudor per totum corpus emittatur, non in hominibus tantum, verum etiam in belluis (vidimus enim inequis sudantia dorsum, coxas, collum, & caput) etiam si copiosior a dictis partibus sudor emergat: & ideò totum corpus eodem deberet esse præditum odore. Cum verò soli vtriculi, & humor solus in ipsis collectus percipiantur odorata, non autem pellem, car-

*Nomina**An sit semen.**An sit sudor.*



*An sit  
excre-  
mentum.*

*Distin-  
ctio ex-  
cremen-  
torum;*

*Uti-  
litio.*

nem, axillas, & totum corpus, odorata sentiamus, ne-  
tquam dicendus erit sudor. nisi fortè a modo, quo col-  
ligitur in ipsis vtriculis, hoc nomen sumere voluerimus;  
videtur enim a corpore glanduloso, & spongioso per  
inuifibiles poros in cavitates folliculorum resudare;  
vndè dicetur, non simpliciter sudor; sed membri Zi-  
bethici sudor.

Alij generalius loquentes excrementum dixere, ita  
Ruellius vocauit sordem odoratissimam genitalium  
locorum. Dessenius excrementitium genitalium hu-  
morem dixit. Scaligero, & Renodeo placuit etiam  
appellare strigmentum circa testes, & pudenda con-  
cretum. Sed hi non descendunt ad particularem hu-  
ius excrementi naturam: quare assumpto, omnium  
auctorum consensu, quod sit Animalis excrementum,  
considerandum a nobis erit, quale sit excrementum.

Possumus distinguere excrementa, vt aliud sit vti-  
le excrementum, vt semen, lac; aliud inutile, vt pus,  
sudor, fordes, &c. Diximus, non esse semen, ne-  
què sudorem, nequè erit pus; quia nec vlus adest,  
nec materia corrupta, vel similis, ex qua pus gigna-  
tur. Ego censeo esse excrementum proprium substan-  
tiæ glandulosæ dictorum folliculorum, quæ tale gi-  
gnat insita, & propria vi, ac facultate, vt ventricu-  
lus chylum generat, Hepar sanguinem, Mammæ lac,  
testes semen, aures suas fordes, sepia atramentum,  
Vipera in dentibus Venenum, & similia, immo, & simi-  
le omnino Melleo excremento Castorei, & Moschi,  
& similium Animalium. Sed vereor determinare, an  
sit excrementum vtile ipsi parti, vel Animali gignen-  
ti, vt lac, & semen. vel omnino inutile, vt fordes  
aurium. Nam quum genitum excrementum graue vi-  
deatur ipsi animali; ab eius enim acrimonia vellica-  
tur, & cogitur se ipsum eo exonerare. fœmina autem,  
quæ cicur facta est, videtur delectari, dum auris cal-



pio Zibethum extrahitur, ex quo suspicari, inutile, & nocuum ipsi animanti esse excrementum, possumus. Contrà odoris suauitas non indicat concoctionis carentiam, nec putredinem, vti accidit in excrementis præter naturam; sed perfectam concoctionem, & naturæ dominium: vndè superante natura, materia concocta a vi specifica membri, dicenda erit naturalis, quamuis copiosè excrefcens, partem propriam, veluti ad fœtum edendum, ad sui excretionem irritet. idem enim accidit abundante in suis vasis semine, & lacte. Erit ergo excrementum vtile, alioquin frustrà natura tantam vim dedisset illis vtriculis, qua gignerent materiam adeò odoratam, & suauem, vt multas alias superet odoratas res. Sed ad quem finem? semen inseruit ad generationem animalium, lac ad eorundem nutritionem. ad quid proderit hoc excrementum? equidem possem imaginari, vel vt irritentur animalia ipsa ad coitum; vel vt ad idem remedium sit homini, eius enim gratia animalia fuerunt creata, ad hoc Castoris mellaginem destinamus, vel denique, vt iste odor inseruiat animali ad venandum, & ad se allicienda alia animalia, vt de Pantheræ odore diximus. si quis meliora attulerit, laudabimus ingenium.

Excrementum utile.

Finis

### *De collectione, & electione Zibeth. Cap. 9.*

**Q**Uùm repleti fuerint vtriculi substantia Zibethi, animal ipsum inquietum est, & semet exonera- re satagit: vndè videtur dicendum, ab ipsius acri qualitate turgere, vexari, & pungi, atque ad excretionem proritari: delectarique videntur cicurata animalia, dum folliculi ij auriscalpio exinaniuntur, scribit Faber ex F. Gregorio citato. *In hiscè montibus, quos animalia hæc pererrant omni adbibita diligentia Nigrita, si-*

Collectio

ue Mo-



ut se eo  
exoneret  
animali.

Modus  
colligen-  
di.

ue Mori illi perquirunt veteres arborum, aridosque truncos, & ubi aliquas maculas magnas, easque oleosas obseruauerint, eò se conferunt, & globosam quandam materiam truncis iisdem adhærescentem, nuculas, aut castaneas magnitudine æquantem inde auferunt, in aqua ebullire permittunt, id quod supernatat pingue, & oleosum remouent, mundioribus vasis infundunt, vsuique reseruant. Atque hæc est omnium optima, ac purissima Algalia. repletis enim folliculis, ob acrimoniam, ut reor, vellicantur, & coguntur animalia se depurare: ideò in filuis arborum truncis se confricant, ut talis materia arboribus adhæreat.

Ea autem Animalia, quæ in caueis magnis demi asseruantur, vel cicurata sunt, si abundauerit in eorum vtriculis succus iste, quasi eo molestata, velociter per caueam ambulant, nec loco stare queunt, & si non extrahatur a nobis excrementum, Animal ipsum, caueæ lateribus, & domus parietibus se confricando, Zibetha se abstergit, quod ita perit. F. Columna apud Fabrum ita descripsit modum, quo famuli D. Bernardini de Corduba odoriferum hunc liquorem ex masculo detrahere parabant. Ex famulis unus eorum, seu catenulam, qua ligabatur, trahabat. Postiores alius pedes tenebat. Tertius vtriculos reuoluebat, qui medij inter anum, ac pudendum prominent, tam in mare, quam in fœmina, in horum cauitate scaturiginem suam liquor ille Zibethicus, consistentie prorsus melleæ, sumit. Hic extrahitur immisso auriscalpji maioris simili instrumento, quod per cauitatem quaqua versum sæpiusculè reuoluitur. Hoc ubi in vno, atque altero folliculo præstitisset, & liquorem illum extraxisset, gossipio vtriusque pilos, qui curti sunt abstergebat. Ac ubi sexies forsitan cocleari illo paruo vtrumque vtriculum emundasset, tantum fermè Zibethi collegit, quantum auellaneæ nucis cortici implendo

satis



*satis esset. Addebat idem D. de Corduba aestate liquidiorē, quā hyeme succum colligi, ita ut in caloribus illis, singulis binis diebus semuncia corradere-  
tur. hyberno verò tempore, vix semel in septimana succum illum, nec tantam eius quantitatem acquiri. Ex  
Fœmina postea minus Zibethi educebat, quæ cicur facta nullatenus repugnabat.*

Zibethi substantia videtur esse pinguis, & vinctuosa: nam in aqua ebulliens superiora petit, & ab heterogeneis separatur: consistentia Mellis, seu Buryri est; liquidius æstate abstractum, vel recenter, temporis processu incrassatur. ego extraxi a folliculis animalis demortui ultra dracmas duas, colore albido, & mellis liquidioris consistentia. Scaliger (& cum hoc Renodeus) dixit esse odoriamentum pingue, crassum, nigri saponis facie; sed vidit in superficie, & antiquatum. Amatus verò, quum recens est, inquit, tetri, & horribilis est odoris, postea verò successu temporis gratum spirat odorem. Quadramius Zibetho contrarium accidere, Ambra, & Moschi, hæc enim quo recentiora, eò præstantiora, Zibethum autem vetustius, melius. F. Donatus ab Eremita lib. i. Antidotarii cap. 10. optimum, ait, esse leonino, ac subpallido colore, pingue, moderatè liquidum, tempore crassescens, papiro impositum, & confricatum solubile sine corpore, quo distinguitur ab adulterato. idem Frater Evangelista Quadramius lib. de Teriaca cap. 11. scripsit. Masculi Zibethum albido est colore, fœmellæ vero leonino post hebdomadam ab Animali extractum, tempore procedente obscurum apparet, cum tamen & ipsum initio album spectetur, sed citissime fulnescat, præstans sic euadat. fœminei Zibethi vncia valet quantum. Masculi vnciæ quatuor. ita admista vncia vna fœmini, sex masculini vncijs ambo perficiuntur, cum masculinum per se solum absque fœminino parum valeat.

Substan-  
tia.

qualita-  
tes,



*Adultera-  
ria.*

*legiti-  
mum.*

Adulteratur varijs modis, admisto Butyro, vel pul-  
pa passularum maiorum, seu Zibibi, & alijs rebus.  
Frater Euangelista Quadramius l. de Teriaca cap. 11.  
Zibethum adulteratur Adipe rancido, vel Butiro, vel  
caseo. sed si huiusmodi parum impositum fuerit co-  
cleari argenteo super prunas, adulteratum reddet suæ  
mitionis odorem, vel casei, vel adipis, vel butyri ran-  
cidi, legitimum verò suauissimum odorem. Sed legiti-  
mum nè, an adulteratum sit, ex F. Gregorio scribit Fa-  
ber, cognosci, quia infusum in vas in quo aqua bullit,  
statim, quod heterogeneum, & Algaliæ admixtum,  
fuit, fundum petit, Zibethum autem sincerum aquæ  
superficie innotat. Nos dicemus admixtum cum Bu-  
tyro, vel alia re pingui, non posse separari dicto  
modo: sed percepimus etiam aliquando in ipso odo-  
rem Butyri rancidi; butyrum enim veterascens cor-  
rumpitur, & odore rancido semetipsum manifestat.  
Solet etiam optimum Zibethum in vase repositum in  
superficie obscurum acquirere colorem, veluti telam  
quandam fuligineam; sed in profundo albescit; quod  
verò adulteratum fuit, eiusdem est coloris in profun-  
do, ac in superficie. seruatur in vitro non alibi.

### *De usu, & facultatibus Zibethi. Cap. 10.*

*Cantio.*

**D**Vplicis est vsus Zibethum, vel odoris gratia,  
vel facultatum. odorem tantum respiciunt My-  
ropolæ, Medici facultates.

*Pulvis  
Zibethi.*

Cautè dicunt Myropolæ adhibendum esse in compo-  
sitionibus aromaticis Zibethum; nam suo valido odo-  
re alios superat; vnde odorata vnguenta ex multis con-  
flata Zibethum tantum redolent. *Pulvis Zibethi sim-  
plex apud Alexium fit.* ex saccharo candi, & Zibet-  
tho simul in puluerem redactis, qui seruatur vase vi-



treo optimè clauso. *Rossellus*. sumit Ouorum cortices lotos, & siccatos, in tenuissimum puluerem redigit, & cuilibet vnciæ addit *Karactos* iij. *Zibethi*. *Karactus* autem pendet grana iij. vel recipit cortices præparatos ouorum duarum vnciarum pondere, infundit in aqua rosacea *Moschata* 10. vel 12. diebus, eos exiccat, terit, & cribrat in tenuissimum puluerem, addit pulueris sacchari fini vnicam vnam, tunc Mortarium æneum prunis ardentibus intrò positis calefacit, quantum tactu ferre manus possint, indè absterfo mortario imponit puluerem corticum, leuigat pistillo, & addit *Zibethi Karactos* iij. paulatim miscendo inuncta pistilli summitate, sic læuigat spatio vnius horæ, postea in vitreo vase benè clauso seruat, quo puluere aspergemus dealbata linteamina, subuculas, & alias vestes.

Sapo.

Sapo odoratus fit ab iisdem auctoribus, accipiendo saponem communem optimum, secant subtiliter, & exiccant ad solem, vel in vmbra per X. dies, tunc dunt, & cribrant in puluerem tenuem, tunc addunt *Zibethi* puluerem, & aqua rosacea vniunt in solidam formam.

odoramē  
ta.

Fiunt etiam ex *Zibetho* olea, vnguenta, & suffumigia, quæ describere supersedebo.

Vires  
Pellis.

Quò ad vires medicas. *F. Gregorius de Boliuar* apud *Fabrum*. *Pellis*, inquit, *ventris ipsius est saluberrima in omnibus frigidis affectibus. Ventriculum præcipuè roborat, si frustulum ex hac eidem imponatur, & quotidie gestetur. Nigri illi Guineæ, & Erasilienses barbari huius quoque animalis carnibus vescuntur, ut cumque sit pessimi odoris, & digestionis durissimæ, quam ad Venerem tamen præstare maximum stimulum affirmant. Sed Hyænæ pellis ad morsum canis facit ex Scribonio Largo. cap. 171. Peruenit ad me opinio, inquit, esse in insula Creta bar-*



barum quendam naufragio appulsum, maiorem natu publicè mercedem accipientem. Quin etiam quum liquorem timent, & latratus edunt spasmoque vexantur: remedium brachio sinistro alligato efficere, ut & potionem accipiant, & liberentur vitio. Hoc ego cum quaererem ab hospite meo legato indè misso, nomine Zopyro, Gordiense medico, quod esset pro magno munere accepi. dixit autem Hyane corij particulam esse panno inligatam: quod ego adhuc non sum expertus, quamuis protinùs magna cura hyenam inuenerim, & pellem paratam habeam: quia non incidit ex eo quisquam, & opto quidem ne incidat: sed quia id non est in nostra potestate, si casu inciderit, remedium habere oportet ad tant rei experimentum. & Marcellus Empiricus cap. 36. Vituli marini, aut quod melius est Hyane pelle facta calciamenta si quis in cotidiano usu habuerit, efficaciter podagræ morbo carebit. sic etiam Aetius ferm. 2. cap. 162. Hyane pellem quidam domi repositam adseruant, & usu expetente ipsam a rabioso cane commorsus circundant. Nam proprietate quadam prohibet, ne commorsus in aquæ timorem delabatur: sed etiam illapsis auxiliatur. supra fidem autem est, quod refert Nonius. cap. 259. de fulminibus. scribens, a fulminibus dictas pelles homines tueri, & præseruare, his verbis. Phocæ pellis, & Hyane. Quorum animantium pelles etiam imperatorum Naues circumferunt.

Auicenna;

Zibethi autem liquorem equidem affirmarem Auicennæ fuisse cognitum, & de eo egisse lib. 2. c. 326. nomine Galix, & Algaliæ. quo loco non potest intelligere Galliam Moschatam, quia loquitur de medicamentis simplicibus, non autem de compositis. Alia verò res est Algalia, & Sederuam Serapionis, quæ succus herbæ frigidus, & astringens est, ut Acacia. quod etiam animaduertit Amatus Lusitanus in Dio-



Algalia

scoridem . Porro Simon Ianuensis Zebeth esse Auicennæ Galiam censuit, & animalis Arabici sudorem. Adde quod vires ab Auicenna Algaliæ tributæ nulli alteri rei, quàm nostro Zibetho conueniunt. scribit namquæ Auicenna. *Galia lenit apostemata dura . Dissoluitur in Oleo Ben, aut Keiri, & destillatur in aurem dolorosam, & eius odoriamentum confert epileptico, & viuificat eos, & sedat sodam frigidam, & quando datur de eo in vino, inebriat. Odor Galie confortat cor . Algalia confert doloribus matricis frigidis supposita, & apostematibus eius duris, & phlegmaticis, & prouocat menstrua, & facit matricem descendere præfocata, & inclinata, & mundificat eam, & preparat ipsam ad impregnationem. quæ omnia Zibethum per optimè præstat; non differt Galia, ab Algalia, quia al est articulus apud Arabes,*

Temperamentum.

Matthiolus calidæ, & humidæ facultatis esse censuit. contrâ Cardanus animalium odorata excrementa valdè sicca pronunciauit. Renodeus, & Amatus Lusitanus odorem Zibethi Moscho affinem dicunt, sic & qualitatem, at Moschus ex Auicenna est calidus, & siccus in secundo gradu. Quod si Animalis sudor est, quum sit Animalis calidissimi, & tempore calidissimo abundans; immo in animali ira, & motu calefacto; dicendum videtur, Zibethum esse substantiam biliosam, calidam, & siccam, facultate digerente præditam. sed quia sapor a nemine, quod sciam, est degustatus, ideò ex hoc nihil colligere possumus. certè Galenus 10. de simp. med. fac. agens de sudore, illi misceri interdum dixit nonnihil bilis, itaut aliquando salus, aliquando amarus appareat sudor, vndè quum Ciuetta sudans, & bilescens copiosiore reddat Zibethum, huic sudori nonnihil misceri bilis opinabimur; quare succus erit facultate calidus, & siccus, & fortasse amarus, & acris. Et quum sudantium,

Zibet calidum, siccum.



Castor  
Duran-  
tes.

fordes facultatem habere expertus fuerit Galenus digerentem, ita vt in phlegmone vberum fuerint efficax remedium; præterea ad Bubonem ijsdem vsus, celeriter disparuisse tumorem, conspexerit. Hinc Auicenna Zibethum, seu Algaliā dura apostemata lenire scripsit. Sed partium genitalium videtur proprium, ijsdemque dicatum pharmacum, de quo Castor Durantes ita cecinit.

*Zibethi Veneris crescunt solatia odore.*

*Adiuuat, hoc vterum nè præfocetur, & indè  
Est adeò vuluæ gratum, vt procliues ad illud.*

*Quamuis admotum irrepat.*

Ad vte-  
ri stran-  
gulatus.

Ruellius verò si cauernula, inquit, umbilici admo-ueatur, tradunt conuersum in alterutram partem vterum in suam resilire sedem: aut si sursum versus impulsus opprimat, subdito eo deuocari, tam amans huius odoramenti vuluæ, vt ad id undecunque admotum irrepat. idem tradunt Matthiolus, Renodeus, Amatus, qui etiam pessos adaptat. Hoc etiam vtuntur ad vteri strangulationem. L. Mercatus, M. Pascalius, G. Bruelius, SchenKius, Hollerius, Altimarus, & Capiuaccius. Ad vteri præfocationem malignam commendat Io. Colle. eodem etiam vtuntur Rasis, & Valescus Algaliā vocantes. Roder. a Castro lib. 2. de Morb. Mul. cap. 1. ad strangulatus vteri. inungit os vuluæ oleo aliquo odorato, admisto vno, vel altero grano Zibethi; vtitur etiam eiusdem suffitu ad vterum. & lib. 3. cap. 1. ad sterilitatem. ex Zibetho suffitus facit vtero. item cap. 2. facit linimentum, & cap. 4. os vteri Zibetho inungit. Hæc autem vis experientia confirmata, signatura videtur esse indicata; quum enim gignatur in animalis particula, quæ vteri, seu vuluæ quandam formam habet, videtur per id natura nobis indicare voluisse, huiusmodi succum ibi genitum habere maximam proprietatem cum

anima-



animalium vuluis.

Et quia Zibethum abundans in folliculis Animalis, irritat ipsum ad sui excretionem, videtur per id natura nobis significasse ipsius vim ad coitum incitandum. proinde, inquit Matthiolus, *nec mirum est, si eo viri peni circum lito magnum mulieribus in coitu afferunt solatium*. Sic Amatus Venerem incitari scripsit pudendis illitis. At Cæsalpinus lib. 8. de mor. cap. 9. ad conceptum. *Vt autem auidius (inquit) uterus semen suscipiat, aiunt Zibethum glandi illitum in coitu voluptatem mulieri adaugere; unde alacrius semen admittit*. Gattinaria scripsit, ad præfocationem Matricis valere Zibeth, vel Zebeth, quod applicatur inuncto digito obstetricis, & in vuluam immisso, & subdit. *De quo semel usus fui in muliere quadam patiente præfocationem cui causauit tantum appetitum coeundi, quod quasi continuè volebat marito suo copulari; deinde rogauit me sibi vellem talem appetitum remouere. dixi quod ex se remouebitur post aliquot dies. Et nota quod si vir, quando vult uti cum muliere ponat in summitate virgæ de dicto Zibeth, & subito vtatur causabit in ea maximam delectationem*. vtuntur etiam eo ad delectationem mulieri præstandam Capiuacceus, Fumanellus de comp. med. cap. 54. & alij.

Ad impotentiam coeundi. Rod. à Fonseca. consult. 10. Zibetho oleo de ben dissoluto inungit penem, & testes. Fallopius, & Bellocatus apud Trincau. lib. 4. cons. 78. Capiuacc. Ad Epilepsiam cuiusdam fœminæ. Salamon Albertus apud Io. Philip. Brendelium cons. 19. cerotaria ex Tacamahaca, cum Zibetho in eorundem meditullio subligare fecit offi sacro. vnum in confinio huius, & lumborum, & vnum è regione sub vmbilico. eadem Cerata etiam applicat Histericæ. cons. 99. sed cons. 98. in suffoca-

*Ad Coitum.*

*Appetitum Veneris.*

*Ad varios morbos.*

tione



tione vteri. Oleum liliorum alborum cum Zibetho, & Moscho subdit mulieri in gossypio. Præterea Felix Platerus apud eundem cons. 102. ad iuuandam conceptionem iubet inungi pectinis regionem noctu cubitum iturę ex quodam linimento, cui Zibethi scrupulum semis miscet. & subdit. huius magna est vtilitas in affectibus vterinis, vt sint, qui credant, hoc solum, sterilitatem vteri corrigere posse. & Daniel Mylius. lib. 1. Antid. Medicochim. in fine. *Zibeth*, inquit, *Colicæ stercorea expellit*. Sed Hollerius ad colicam ab humore frigido. *. Ciuetta gr. iiij. aut vj. dissolue oleo rutaceo, & inungatur venter*. Greg. Horstius lib. 4. obseru. 12. colico. linimentum ex Theriaca cum pauxillo Zibethi ad inunctionem vmbilici. Solenander. sect. 3. cons. 28. in colica p tuitosa. *Zibethum*, inquit, *utiliter vmbilico infricatur, & inungitur: vis enim ipsius penetrans calorifica promptè se in interna insinuat, & quicquid nebulosum est, discutit, ac dissoluit, quod humidum est, siccatur, & mediocriter, ita usurpatum calfacit*. quod repetit ex isto Camerar. de Mirab. cent. 4. num. 46. Erotis de pass. mul. cap. 4. ad suffoc. *super omnia est inundatio facta ex Zibetho intus, & extra vuluam, quia menstrua attrahuntur, & prouocantur*. etiam Mercur. de morb. mul. lib. 4. cap. 10. Paræus de hom. gen. cap. 48. Vidus Vidius de cur. membr. lib. 11. cap. 21. Capiuacc. Histericis inungit pudenda Zibetho, vel Mariti penem.

De Catti Zibethici felle, pinguedine, & oleo ex ipso in cocto, nihil apud recentiores legimus; sed apud antiquos non nulla extant de Hyæna ipsorum, vt ex Gal. 2. de comp. med. loc. cap. 7. Asclepiades in Collyrio quodam liquido Basilis habet *fellis Hyænae*. in alio Antonij Musæ, & alio Philoxeni. Sed Alianus de Hist. An. lib. 6. c. 46. Ibis felle, inquit, Hyænae interimuntur. & 1. de comp. med. loc. cap. 1. Galenus ad



Alopetiam *Hyæna adipem* laudat, quia tenuium partium substantiam habet, quæ prompté in cutis profundum penetrare queat, atque ad radices usque capillorum pertingat. denique Aetius ser. 2. cap. 164. *idem facit, & Hyæna tota oleo velut vulpes cocta.* Olei Vulpini multas dotes enumerat, quæ Hyænae oleo etiam conuenient. demum cap. 194. *Hyæna viua*, inquit, in oleo cocta, velut de Vulpe dictum est, oleum discussorium efficit, artritidis vtilissimum.

*De ossium Ciuetæ situ. Cap. II.*

**R**estat vltimo loco proponendum Animalis eiusdem Scheletum á me, paratum, quod apprime vtile erit istius naturam inuestigantibus; in hoc enim cognoscitur ossium dispositio: vnde licet hoc conferre cum Scheleto Canis, Vulpis, Lupi, Felis, & aliorum animalium, vt percipiatur similitudo, & dissimilitudo cum dictis animalibus; Profecto cum ossium numerus, & dispositio manifesta sint in picta tabella, licet non valde foeliciter pictor delineauerit nihil ego de his addam, tantum dicam.


Quum in omnibus animalibus non idem sit vertebrarum spinæ numerus. in Nostra Hyæna odorata 49. numerantur. at Sui, & Erinaceo 4. tantum sunt, Equo 8. Camelo. 15. collum enim constat sex vertebris; vt in Canibus. hinc thorax assumit sibi duodecim, more solito. adsunt in dorso septem aliæ, vt Cani, &c. at Erinaceo. 8. Cuniculo. 10. demum Cauda constat vintiquatuor ossiculis. In Cane numeraui 15 tantum. In Maxillis, dentes incisoriij sunt sex vtrinque, admodum parui, vt in Catopardo, & Canibus; his proximè accedunt canini dentes magnitudine, & forma, vt in canibus. molares autem vtrinque sunt sex, quorum primus propè caninos cæteris minor spectatur,

vt pe-



*Hyena Odora.*

*Ossa*






vt penultimus, ex his, maior omnibus est. cætera in effigie patent.

Qua potius Cani, & huius generis similibus, quam alteri generi assimilari videtur, & hæc breuiter dicta sufficiunt de Anatome, excuset autem nos lector. si nihil obseruauimus interiora secando; quia talis erat viscerum putridorum fætor, vt nau-  
sea excitata in meis discipulis præsen-  
tib. nempe in Doctore Dominico  
Panarolo, secante, & alijs ad-  
stantibus, celerrimam  
sectionem vt vix per-  
mitteret.

F I N I S.





# MEMORABILIVM

## IN HOC OPERE.



<b>A</b> Deps Hyænæ.	pag. 47.
Adulteratio Zibethi.	40.
Algalia Auicennæ.	2. 42. 43.
Algalia Serapionis.	2. 42.
Animalia cur inodora.	3.
Aristoteles falso tribuit colli rigorem lupo, & leoni.	9.
Canibus, Lupis, Vulpibus genitale osseum.	8.
Castorei effigies.	32.
Castorei historia.	31. 33.
Chaum Plinij an sit Ciuetta.	5.
Ciuettae descriptio.	6. 24.
Ciuettam esse antiquorum Hyænæ.	6. 9.
Cercopithecæ excrementum odoratum.	5.
Ciuetta mansueta.	10.
Ciuetta non est antiquorum Hyænæ.	9.
Ciuetta videtur habere duplex genitale.	7.
Collectio Zibethi.	37. 38.
Collum inflexile Hyænæ.	9.
Cordilus Animal.	4.
Corium Hyænæ contra Pardalim.	6.
Crocodilea quid.	4.
Crocota genita ex Hyænæ, & Leenæ.	10.
Dens vnus Hyænæ.	9.
Distinctio excrementorum.	36.
Electio Zibethi.	37. 39.
Error P. Gilij.	4.
Excrementa animalium odorata.	4.
Facultas Zibethi.	40.
Fel Hyænæ.	46.
Gemmæ Hyænæ.	21.
Genitale Canis.	8.
Genitale Ciuettae.	8.
Genitale Ciuettae latet intus, vt Feli.	24.



Genitale Cuniculi indi.	8.
Hyæna animal ferum.	6.
Hyæna an felis species.	16.
Hyæna an lupi species.	16.
Hyæna inimica Pardali.	6.
Hyæna cornuta.	16.
Hyæna sub quo animalium genere.	16.
Hyæna piscis.	6. 15.
Hyæna genitale maris, & foeminae habet.	7.
Hyæna habet lineam similem genitali foemineo.	7. 8.
Hyænae vomentem hominem imitantur.	9.
Hyenæ descriptio.	6. 14.
Hyenæ nomen.	24.
Hyenæ Affricanæ descriptio.	21.
Hyenæ Affricanæ effigies.	20.
Hyenæ Americanæ descriptio.	19.
Hyenæ Americanæ effigies.	18.
Hyenæ noctu acute conspiciunt.	21.
Hyenam duplex genitale habere falsum.	7.
Hyenam sermonem hominum addiscere.	9.
Hyenam odoratam cur vocemus.	3.
Hyenarum diuisio.	17.
Hyenarum genus generale.	17.
Hyenarum proprietas.	24.
Homo olfactū habet omnium animalium deterrimum.	3.
Insecta odorata.	5.
Iuba Hyenæ qualis.	10. 11.
Linea genitali similis Hyenæ, & Ciuettae.	8. 9.
Lupus Ceruarius quid.	5.
Moschus.	5. 33.
Natura Moschi similis Zibetho.	34.
Nomina plurima Animalis Zibethi.	1.
Mures siluestres flauī.	4.
Mustellæ excrementa odorata.	5.
Oleum Hyenæ incocta.	47.
Ossium Ciuettae situs.	47. 49.
Panthera non resistit Hyenæ.	6.
Panthera odorata.	3. 4.
Panthera odore venatur.	3. 4.



Pantheræ odor qualis sit.	4.
Pantherę pellis maculata.	4.
Pellis Ciuetę.	41.
Pellis Hyęę.	6. 42.
Pelli pantherę decidunt pili coram Hyæna.	6.
Philes gręci versus de Hyęna.	15.
Philes gręci versus de Thoe.	5.
Pulvis Zibethi.	40.
Quid sit Zibeth.	35.
Quę pars Zibethum ferat.	26. 27.
Sapo odoratus.	41.
Scaligeri contradictio.	11.
Sectio vasis Zibethi.	24.
Scheletum Ciuetę.	48.
Structura vasis Zibethi.	28. 29.
Situs genitalium Hyęę.	11. 12. 13. 22. 23.
Thos animal.	5.
Thores oriuntur ex Hyęna, & lupo.	6.
Vasculum Zibethi.	26. 27. 28.
Vbi Hyęnæ nascantur.	25. 26.
Vasis Zibethi effigies.	30.
Vsus Zibethi.	40.
Zibeth nomen arabicum.	2.
Zibeth est res odorata.	2. 16.
Zibeth an sit semen.	35.
Zibeth an sit excrementum.	36.
Zibeth an sit sudor.	35.
Zibeth est excrementum vtile.	37.
Zibethi nomina.	35.
Zibethi substantia.	39.
Zibethi legitimi notæ.	40.
Zibethum ad Coitum.	45.
Zibethum ad Colicam.	46.
Zibethum ad conceptionem.	46.
Zibethum ad Epilepsiam.	45.
Zibethum ad vteri strangulatus.	44. 45. 46.
Zibethi Temperamentum.	43.
Zibethi vires.	43. 44.















